

430

**UGOVOR O NABAVCI USLUGA KOLEKTIVNOG OSIGURANJA ZAPOSLENIKA  
UPRAVE POLICIJE MUP-a KANTONA SARAJEVA**

**Ugovorne strane**

**UPRAVA POLICIJE, Ministarstvo unutrašnjih poslova Kantona Sarajevo, ulica La Benevolencija broj 16, koju zastupa za policijskog komesara, načelnik Sektora kriminalističke policije Glavni inspektor Milorad Bašić, (u daljem tekstu: Ugovarač osiguranja)**

**i  
ADRIATIC osiguranje d.d. direkcija Sarajevo, Trg međunarodnog prijateljstva 20, ID broj: 4200213140004 kojeg zastupa direktor Alen Hujčić (u daljem tekstu Osiguravatelj)**

**Član 1.**

Predmet ovog ugovora je pružanje usluga kolektivnog osiguranja zaposlenika Uprave policije Ministarstva unutrašnjih poslova Kantona Sarajevo, za slučaj smrti usljed bolesti, smrti usljed nezgode i trajne invalidnosti, a u skladu sa tenderskom dokumentacijom, ponudom Osiguravatelja broj 81/19-J6 od 15.04.2019. godine, koja čini sastavni dio ovog Ugovora, te Okvirnim sporazumom broj: 02-14-4-1767-10/19 od 17.07.2019. godine.

Nabavka je izvršena putem otvorenog postupka, na osnovu Odluke broj 02-14-4-1767/19 od 28.03.2019. godine.

Ponuda Osiguravatelja broj 81/19-JG sastavni je dio ovog Ugovora.

**Član 2.**

Ugovorena premija osiguranja iznosi 3,99 mjesečno po svakom zaposleniku Ugovarača Osiguranja.

Ugovorne strane saglasne su da za osigurane sume navedene u tabeli ispod, iznos mjesečne premije osiguranja za 1.625 zaposlenika, u vrijeme zaključenja ovog Ugovora, iznosi 6.483,75 (šesthiljadačetiristotineosamdesetri i 75/100) KM.

R. br.	Osigurani slučaj	Osigurane sume po zaposleniku u KM
1.	Smrt usljed bolesti	5.000 KM
2.	Smrt od nezgode	35.000 KM
3.	Trajni Invaliditet	65.000 KM

Ukupno ugovorena premija osiguranja na godišnjem nivou za 1.625 zaposlenika Ugovarača osiguranja, u vrijeme zaključenja ovog ugovora, iznosi: 77.805,00 (sedamdesetsedamhiljadaosamstotinapet i 00/100) KM bez PDV-a.

U skladu sa odredbama Zakona o PDV-u, usluge osiguranja su oslobođene plaćanja PDV-a. Osiguravatelj se obavezuje na nepromjenjivost ponuđenih cijena tokom cijelog ugovorenog perioda i da će pod istim uslovima u periodu trajanja ovog Ugovora pružati usluge kolektivnog osiguranja zaposlenika Ugovarača osiguranja.

### **Član 3.**

Osiguravatelj se obavezuje da će u roku od deset (10) dana od dana obostrano potpisanog pojedinačnog ugovora dostaviti bankarsku garanciju za uredno izvršenje ugovora u obliku bezuslovne bankarske garancije u iznosu od 10% od vrijednosti ugovora sa klauzulom plativo na prvi pisani poziv korisnika garancije i bez prava prigovora, sa rokom važnosti: rok izvršenja ugovornih obaveza + 30 dana.

Ukoliko Osiguravatelj ne dostavi garanciju za uredno izvršenje ugovora u predviđenom roku ugovor se neće smatrati zaključenim.

### **Član 4.**

Ugovaratelj osiguranja će ugovorenu cijenu plaćati mjesečno (u 12 ravnomjernih rata) Osiguravatelju u roku od 30 dana po dostavljanju fakture.

### **Član 5.**

Za osiguranje zaposlenika Ugovaratelja osiguranja od smrti usljed bolesti, smrti usljed nezgode i trajnog invaliditeta, Osiguravatelj će izdati Ugovaratelju osiguranja posebnu policu osiguranja, a u skladu sa ovim Ugovorom.

Polica o osiguranju, iz prethodnog stava, čini sastavni dio ovog ugovora.

### **Član 6.**

Sve promjene broja i imena osiguranika će biti prijavljene osiguravajućoj kući u roku od 10 dana od dana nastanka promjene po bilo kom osnovu - osiguranje pokriva period od dana nastanka promjene, a ne od dana dostavljanja obavijesti. Osiguranje obuhvata nezgodu na poslu i van posla, punih 24 sata dnevno i 7 dana sedmično bez teritorijalnog ograničenja. U slučaju da se desi osigurani slučaj Osiguravatelj je obavezan na isplatu punih osiguranih suma za smrt usljed bolesti i smrt usljed nezgode, definisanih u ovom obrascu. Osigurana suma za invalidnost i tjelesne povrede isplaćuje se u procentu koji odgovara procentu invaliditeta i vrsti povrede, u skladu sa uslovima za osiguranje lica.

### **Član 7.**

Ukoliko poslije zaključenja ovog ugovora nastupe okolnosti više sile koje dovedu do ometanja ili onemogućavanja izvršenja obaveza definisanih ugovorom, rokovi izvršenja obaveza će se produžiti za vrijeme trajanja više sile.

Viša sila podrazumijeva ekstremne i vanredne događaje koji se ne mogu predvidjeti, koji su se dogodili bez volje i utjecaja strana u ugovoru i koji nisu mogli biti spriječeni od strane pogođene višom silom.

Višom silom mogu se smatrati poplave, zemljotresi, požari, politička zbivanja (rat, neredi većeg obima, štrajkovi), imperativne odluke vlasti (zabrana prometa uvoza i izvoza) i sl.

Strana u ugovoru pogođena višom silom odmah će u pisanoj formi obaavijestiti drugu stranu o nastanku nepredviđenih okolnosti odgovarajuće dokaze. Osiguravatelj se obavezuje da će usluge pružati u skladu sa zahtjevom Ugovarača osiguranja i da će odmah postupiti po eventualnim primjedbama Ugovarača osiguranja u pogledu nedostataka na ime kvaliteta izvršene usluge.

Ugovarač osiguranja je dužan dostaviti pismeno obavještenje o svakom propustu Osiguravatelja. Ugovarač osiguranja će utvrditi razuman rok za ispravak propusta Osiguravatelja u smislu izvršene usluge.

#### **Član 8.**

Rok isplate osigurane sume ne može biti duži od 15 (petnaest) dana od dana prijave osiguranog slučaja sa kompletnom dokumentacijom, u skladu sa Zakonom i uslovima za osiguranje lica. Osiguranje važi od 00,00 sati dana koji je označen kao početak osiguranja, a prestaje u 24,00 sata dana koji je u polici naveden kao dan isteka osiguranja.

#### **Član 9.**

Osiguravatelj se obavezuje Ugovaratelju osiguranja slati mjesečne izvještaje o realizaciji, koji treba sadržavati podatke o: prijavljenom osiguranom slučaju, podatke o toku postupka, te isplaćenim osiguranim sumama. Osiguravatelj će izvještaj iz stava 1. ovog člana slati kao prilog uz ispostavljenu fakturu iz člana 4. ovog ugovora.

#### **Član 10.**

Ugovor se zaključuje na period od godinu dana, počev od dana obostranog potpisivanja ugovornih strana, u 2019. godini u 00.00 sati zaključno sa istim datumom 2020. godine u 24.00 sati.

#### **Član 11.**

Osiguravatelj nema pravo zapošljavati, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

#### **Član 12.**

Eventualno nastale sporove pri realizaciji ovog ugovora, ugovorne strane će rješavati sporazumno, a ukoliko to nije moguće, utvrđuje se nadležnost Općinskog Suda u Sarajevu.

#### **Član 13.**

Na ostala prava i obaveze ugovornih strana, koja nisu regulisana ovim ugovorom primjenjivaće se odredbe Zakona o obligacionim odnosima.

**Član 14.**


Ugovor je sačinjen u 4 (četiri) istovjetna primjerka, od kojih Ugovarač osiguranja zadržava 2 (dva), a Osiguravatelj 2 (dva) primjerka.

**OSIGURAVATELJ**  
**ADRIATIC osiguranje d.d. direkcija Sarajevo**

  
Direktor Alen Hujic



**UGOVARAČ OSIGURANJA**  
**MUP KANTONA SARAJEVO**  
**UPRAVA POLICIJE**

  
za POLICIJSKOG KOMESARA  
Načelnik Sektora kriminalističke policije  
Glavni inspektor  
Milorad Bašić

Broj: 19393159  
Datum: 25.07.2019.

Broj: 02-14-4-1767-11/19  
Datum: 22.07.2019. godine